



অবিলম্বে প্রকাশের উদ্দেশ্যে: 4/3/2023

গভর্নর ক্যাথি হোকল

ন্যায্য আবাসন মাসে জনসেবা সংক্রান্ত ঘোষণার প্রচারাভিযান সম্পর্কে গভর্নর
হোকলের আলোকপাত

মানবাধিকার বিভাগ নিউ ইয়র্কবাসীদেরকে আবাসন বৈষম্য থেকে মুক্তি লাভ করার
নিজেদের অধিকারসমূহ সম্পর্কে অবহিত করার জন্য "ন্যায্য আবাসন সুরক্ষিত রাখে,
জ্ঞান ক্ষমতায়ন করে" শীর্ষক স্টেটব্যাপী PSA ক্যাম্পেইন চালু করছে

স্টেট 5 এপ্রিল তারিখে নিউ ইয়র্ক সিটিতে ন্যায্য আবাসন কনফারেন্স; 25 এপ্রিল
তারিখে আলবানিতে ন্যায্য আবাসন কনফারেন্স আয়োজন করবে

গভর্নর হোকল আজ ঘোষণা করেছেন যে এই এপ্রিলে ন্যায্য আবাসন মাসের অংশ হিসেবে, নিউ
ইয়র্ক স্টেটের মানবাধিকার বিভাগ (Division of Human Rights) - যুক্তরাষ্ট্রের ডিপার্টমেন্ট অব
হাউজিং অ্যান্ড আরবান ডেভেলপমেন্ট (Department of Housing and Urban Development)-
এর সঙ্গে অংশীদারিত্বের মাধ্যমে - একটি জনসেবা সংক্রান্ত ঘোষণার মিডিয়া ক্যাম্পেইন, "ন্যায্য
আবাসন সুরক্ষিত রাখে, জ্ঞান ক্ষমতায়ন করে" চালু করবে। এই ক্যাম্পেইন জনসাধারণকে
তাদের আবাসনের ক্ষেত্রে বৈষম্য থেকে মুক্ত থাকার অধিকার সম্পর্কে শিক্ষাদান করবে এবং
রেডিওতে, পাবলিক ট্রানজিটের স্থানগুলোতে, সোশ্যাল মিডিয়ায়, এবং আলবানি, সিরাকিউস,
রচেস্টার ও বাফেলোর বিলবোর্ডগুলোতে প্রচারিত হবে।

"এই ন্যায্য আবাসন মাসে আমার প্রশাসন সব নিউ ইয়র্কবাসীর যাতে একটি নিরাপদ, সাশ্রয়ী
বাড়ির অ্যাক্সেস থাকে সে বিষয়টি নিশ্চিত করার জন্য অঙ্গীকারবদ্ধ রয়েছে," বলেছেন গভর্নর
হোকল। "এই ক্যাম্পেইনের মাধ্যমে, আমরা নিউ ইয়র্কবাসীদেরকে আবাসন বৈষম্য থেকে
সুরক্ষিত থাকার জন্য তাদের অধিকার সম্পর্কে অবহিত করবো, যা সবার জন্য আরো বেশি
সমতাপূর্ণ, স্থিতিশীল, ও সাশ্রয়ী নিউ ইয়র্ক তৈরি করতে সাহায্য করবে।"

জনসেবা ক্যাম্পেইনের পাশাপাশি, মানবাধিকার বিভাগ নিউ ইয়র্ক স্টেটের হোমস এন্ড
কমিউনিটি রিনিউয়াল (Homes and Community Renewal) এবং নিউ ইয়র্ক স্টেটের
ডিপার্টমেন্ট অব স্টেটের (Department of State) সঙ্গে অংশীদারিত্বের মাধ্যমে ন্যায্য
আবাসনের সাথে সম্পর্কিত মানবাধিকার আইন সম্পর্কে এবং সংশ্লিষ্ট অধিকার ও দায়িত্বসমূহ
সম্পর্কে জনসাধারণ এবং রিয়েল এস্টেট পেশাজীবীদেরকে শিক্ষা প্রদান করতে নিউ ইয়র্ক সিটি
ও আলবানিতে সরাসরি উপস্থিত হয়ে অংশগ্রহণের জন্য দুইটি ন্যায্য আবাসন কনফারেন্স

আয়োজন করবে। সরাসরি উপস্থিত হয়ে অংশগ্রহণের কনফারেন্সগুলোতে ভাড়াটিয়া ও বাড়ি ক্রয় করতে যাওয়া ব্যক্তিদের জন্য বৈষম্যের বিরুদ্ধে লভ্য আইনি সুরক্ষা সম্পর্কে আলোচনার জন্য বিশেষজ্ঞ প্যানেল থাকবে। এছাড়াও প্রভাব সম্পর্কিত মামলা এবং রিয়েল এস্টেট শিল্পের আইনি বাধ্যবাধকতা সম্পর্কিত প্যানেলের মাধ্যমে রিয়েল এস্টেট পেশাজীবী ও আইনজীবীদের জন্য শিক্ষার ক্রেডিট অব্যাহত রাখার এবং আইন শিক্ষার ক্রেডিট অব্যাহত রাখার সুযোগ থাকবে।

ন্যায্য আবাসন সুরক্ষিত রাখে, জ্ঞান ক্ষমতায়ন করে: New York City

নীতিমালা, অনুশীলন ও শিক্ষার মাধ্যমে সমতা বৃদ্ধি

কবে: 5 এপ্রিল, সকাল 10:00টা - বিকাল 3:00টা (সকাল 9:00টায় দরজা খোলা হবে)

কোথায়: ন্যাশনাল মিউজিয়াম অব দ্য আমেরিকান ইন্ডিয়ান (National Museum of the American Indian), 1 Bowling Green, New York, NY 10004

[এখানে নিবন্ধন করুন:](#)

ন্যায্য আবাসন সুরক্ষিত রাখে, জ্ঞান ক্ষমতায়ন করে: আলবানি

নীতিমালা, অনুশীলন ও শিক্ষার মাধ্যমে সমতা বৃদ্ধি

কবে: 25 এপ্রিল, সকাল 10:30টা - বিকাল 4:00টা (সকাল 10:00টায় দরজা খোলা হবে)

কোথায়: নিউ ইয়র্ক স্টেট মিউজিয়াম (New York State Museum), হাক্সলে থিয়েটার, 222 Madison Avenue, Albany, NY 12230

[এখানে নিবন্ধন করুন:](#)

মানবাধিকার বিভাগের কমিশনার মারিয়া ইমপেরিয়াল বলেন, "আবাসন একটি মানবাধিকার। এই বিভাগ আমাদের স্টেট থেকে আবাসন বৈষম্য নির্মূল করার কাজে নিবেদিত রয়েছে। গভর্নর হোকল স্টেটের ন্যায্য আবাসন আইনের কয়েকটি সম্প্রসারণে স্বাক্ষর করেছেন যা আমাদেরকে সবার জন্য মানবাধিকার এগিয়ে নিয়ে যাওয়ার সক্ষমতা দিয়েছে। আমাদের সংস্থাটি আমাদের ন্যায্য আবাসন কনফারেন্সের মতো ইভেন্টগুলোর মাধ্যমে নিউ ইয়র্কবাসীদেরকে তাদের অধিকারসমূহ সম্পর্কে শিক্ষিত করে তোলা এবং কমিউনিটি গড়ে তোলা অব্যাহত রাখবে।"

সেক্রেটারি অব স্টেট রবার্ট জে. রডরিগেজ বলেন, "প্রত্যেক নিউ ইয়র্কবাসী আমাদের স্টেটে বৈষম্যমুক্তভাবে ন্যায্য ও সমতাপূর্ণ আবাসনের অ্যাক্সেস পাওয়ার অধিকারী। আবাসন শিল্পে স্বচ্ছতা ও জবাবদিহিতার প্রসার ঘটানোর মাধ্যমে বাড়ির ক্রেতা ও ভাড়াটিয়াদের জন্য সমতা ও ন্যায্যবিচারের একটি নতুন যুগ নিয়ে আসতে সাহায্য করার জন্য গভর্নর হোকল নিরলসভাবে তার প্রচেষ্টা চালিয়ে যাচ্ছেন।"

হোমস এন্ড কমিউনিটি রিনিউয়াল-এর কমিশনার রুথ-অ্যান

ভিসনাউকাস বলেন, "ফেডারেল ন্যায্য আবাসন আইন এবং নিউ ইয়র্কের নিজস্ব বিধানসমূহ বাড়ি ক্রয় করতে বা ভাড়া নিতে চাওয়া ব্যক্তিদের বিরুদ্ধে বৈষম্যমূলক আচরণ করাকে বেআইনি করেছে। আবাসনের প্রতিবন্ধকতাগুলো ভেঙ্গে দেওয়া একটি অত্যন্ত গুরুত্বপূর্ণ কাজ, যেটির জন্য বিভিন্ন শিল্প ও খাতগুলোর মধ্যে সহযোগিতামূলক সম্পর্ক থাকা প্রয়োজন। নিউ ইয়র্ক

স্টেটের হোমস এন্ড কমিউনিটি রিনিউয়াল (Homes and Community Renewal) আনন্দিত যে ন্যায্য আবাসন মাসের এসব ইভেন্ট আজকের দিনের গুরুত্বপূর্ণ ন্যায্য আবাসন সংক্রান্ত বিষয়গুলো সম্পর্কে জানার জন্য রিয়েল এস্টেট ও ব্যাংকিং থেকে শুরু করে আইনজীবী পর্যন্ত, বৈচিত্র্যপূর্ণ স্টেকহোল্ডারদের একসঙ্গে নিয়ে আসছে। নিউ ইয়র্ক ভাড়াটিয়া ও বাড়ির মালিকদের সুরক্ষিত রাখার ক্ষেত্রে নেতৃস্থানীয় অবস্থানে রয়েছে। নিউ ইয়র্কবাসীরা যাতে বৈষম্যহীনভাবে নিজেদের পছন্দের বাড়িতে বসবাস করতে পারেন তা নিশ্চিত করতে আমরা কাজ করা এবং বার্তা ছড়িয়ে দেওয়া অব্যাহত রাখবো।"

আলবানির মেয়র ক্যাথি শিহান বলেন, "প্রত্যেকের নিরাপদ ও সাশ্রয়ী আবাসনের অ্যাক্সেস পাওয়ার অধিকার রয়েছে। আলবানিতে একটি অমনিবাস মানবাধিকার আইন রয়েছে যা অধিবাসীদের আবাসন বৈষম্যের বিরুদ্ধে সুরক্ষিত থাকা আরো বেশি নিশ্চিত করেছে এবং এসব ঘৃণ্য রীতির শিকার হওয়া ব্যক্তিদেরকে সংস্থানসমূহ প্রদান করতে সাহায্য করেছে। নিউ ইয়র্কবাসীদেরকে নিজেদের অধিকারের কথা মনে করিয়ে দেওয়ার জন্য এবং অধিবাসীরা গর্ববোধ করবেন এমন আবাসনের সাথে তাদের সংযোগ করিয়ে দেওয়ার জন্য এই প্রচেষ্টার নেতৃত্ব দেওয়ায় আমি গভর্নর হোকলকে সাধুবাদ জানাই।"

সিরাকিউসের মেয়র বেন ওয়ালশ বলেন, "আমরা চাই লোকজন জানুক যে আবাসনের ক্ষেত্রে বৈষম্যের শিকার হলে তাদের কী করণীয়। ন্যায্য আবাসন সুরক্ষিত রাখে, জ্ঞান ক্ষমতায়ন করে ক্যাম্পেইনে সিরাকিউসকে অন্তর্ভুক্ত করায় আমি গভর্নর হোকলকে ধন্যবাদ জানাই। প্রচলিত মিডিয়া ও ডিজিটাল মিডিয়ায় জনসেবা সংক্রান্ত ঘোষণা লোকজনকে নিজেদের ও নিজেদের পরিবারকে সুরক্ষিত রাখার জন্য তথ্য দিয়ে সাহায্য করবে।"

রচেস্টারের মেয়র মালিক ডি. ইভান্স বলেন, "আবাসন বৈষম্যের অন্যায়ের প্রতি অতি প্রয়োজনীয় দৃষ্টি আকর্ষণের জন্য এবং নিউ ইয়র্ক স্টেটের সব অধিবাসীকে নিরাপদ, মানসম্মত ও সাশ্রয়ী আবাসনের অ্যাক্সেস প্রদান করার ব্যাপারে তার অঙ্গীকারাবদ্ধতার জন্য আমি গভর্নর হোকলকে ধন্যবাদ ও সাধুবাদ জানাই। আবাসনের নিরাপত্তার মৌলিক মানবাধিকার পৌঁছে দেওয়া একটি নিরাপদ, সমতাপূর্ণ ও সমৃদ্ধশীল রচেস্টার তৈরি করার জন্য আমাদের কাজের একটি অত্যন্ত গুরুত্বপূর্ণ উপাদান।"

নিউ ইয়র্ক স্টেটের ন্যায্য আবাসন সংক্রান্ত প্রচেষ্টাসমূহ এবং জনসেবা ক্যাম্পেইন সম্পর্কে আরো তথ্য এই বিভাগের ওয়েবসাইটে dhr.ny.gov/fairhousing ঠিকানায় পাওয়া যাবে।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418